

دیوژن



* کولکه ایتمد بشقه احسان استم *

هفته ده بردفعه طبع ونشر اونور . غزته خانه سی غلطه ده یکی جامع جاده سئنده واقع زنجیری خان دروننده کائندر . برسنه لکی نصف عثمانلی لیراسنه والتی ایلغی ۱- مجیدییه و برنسخه سی ۱ غروشه در . طشره ایچون پوسته اجرتی ضم اولنور . اعلاناک بهر سطرندن ۳ غروش و مواد سائرک سطرندن ۶ غروش انور .

فرانسه نك حال حاضری

شو فرانسه نك حالنه عقل ایدرن وارسه صلا !
فرانسه نك حالنی براقلم . اول غزته لده کی « اژانس هواس بولیه روتر » و « بوردیانو قومپانیه سی » تلغرافنامه لریله مختبرات مخصوصه دن برمال چیقاران وارسه ثوابه بزه ده بیلدیرسون . بوا یکی تلغراف قومپانیه سنك بر برینه رقابت ایدر کی ویردگری معلوماتک یکدیگرینه طبان طبانیه ضد اولسنندن بشقه اهمیت وارسه هر حالده ویردگری حوادثک صحتی وواقعه مطابق خصوصنده اولدیغنی دیوژن ادعا ایدر .

« اژانس هوا » تلغرافنامه لرینی او قودجقه موسیو تیرک قتل واعدامی ایچون جلاد لک یا الی ساطورنده ویا خود ساطوری النده ظن ایدورم . « بوردیانو قومپانیه سی » ایله مکاتیب سائرک ویردگری حوادثه باقدجقه جمهوریت نامیه له میدان چیقان ورسایل حکومتی بو کون یارین بر اورلیانی قراه تسلیم حکومت ایتک اوزره « قومون » کروه نك تأدیپ و تنکیله ختام ویره رک اعاده ربط وضبط وانتظام ایله اوغراشوره زهنده قرار ویرورم . بونه حال ؟ و نه طرفه خیال ؟ قحط وار دیدگری پارسک اهالی سی پروسیا لولک محاصره سندن زیاده ورسایل لک مهاجده سئنه تحمل ایتدیلر وایدورلر

برآیدنبرو « قومون » عسکری فتور کتوردی دیورلر . حالبوک غیرت و بسالتلرینی القیشلادقلمی ورسایل عسکرینه حالا مقاومت ایدوب مغلوب اولیورلر . بونه حکمت ؟ و نه زالت ؟ فتور کتوردیکی حالده بیه بویه جنکاورلک ایدن « قومون » عسکری عجباً پروسیا لولر اطرافنی صاردیغنی وقت اویقوده می بولنش ؟ بوقسه اوزمان عر بک عددی ده قرق بولدیغنی ایچون غیرته می کله مامش ؟

یا ورسایلده کی « دیسکور » لک فصاحت و بلاغتیه نه دیه لم ؟ یا او یورکلر آجیسی « ژول فاور » ک شوارلق فرانقفورته یسمارقله بوغاز بوغازه مصالحه بی مذاکره ایتسنی قنغی جیمزه قویه لم ؟ هله اونازلیم ناپولیون دوسترک « انتریکه » لری هیچ سوز استن .

ایشته قوزم فرانسه نك بو کونکی حالی شوندن عبارت . ارتق اویر چورده باقی برقه قورتاره بیلورسه ک خلاصه سنی بکاده بیلدیر .

پولتیقه جه کچن سئنه بو وسعده کی وقوعات ایله شمعدیکی حالات بیننده نه قدر فرق اولدیغنی بیلنک ایچون بو هفته دن اعتباراً کچن سئنه بو کونکی کونده غزته لده کوریلان حوادث مهمه

برماده مهمه دۀ شوارالق هر صنف اهالی لسانندن ایشیدیلان
سوزل زرده درج اولندی .

سوزینی صحنی ییلور ایکی ذات یینده

- طوغریسی شو عصرده ظهور ایدن آثار نافعه به حد
وپایان یوقدر .

- شبهه یوق . شو برایکی سنه ظرفنده کوریلان ترقی بی
اورو پالور ییله ظن عاجزانه مه کوره بزدرجه ده ایکن انجیق
اون بئش یکریمی سنه ظرفنده وجوده کتوره ییلمش لردر .

- افندم شو هیچ برشی کبی کورغیور اما دوشونلنسه نقدر
نفعی وار !

- عجباً بوزوق و بلوطلی هوازده ده آته ییلوریمیش ؟

- های های افندم ! ایشته محسناتی اوراستده یا . طوغریسی
موجدینه مکافه ایتایدرد .

- دیرکتوری اجنبی تبعه سندن اعیش غالباً . رتبه فلان
و پر یله ییلورمی ؟

- نشان ویریلور آ .

غزته زده

.....

عصر مزك مغبوط اعصار ماضیه ومستقبله اولدیغنی تأیید
واثبات ایدرد بومثالو آثار حسنه و نافعه نك پیدر پی سرزده
ساحه ظهور اولدیغنی کوردیکه عالم مدینتک اک شرفلی زماننده
بولندیغمره کونده بوز بیک کره حمد و ثنا ایتلیز .

احاد یینده

- لکن چوق شیطانلق ! شو فرنکرک ایجاد ایتیه جکری شی
یوق .

- عقل فرنکستان سلطنت آل عثمان دیرل .

- چوق اوروستو پوغلیلق ! هیچ کیدوب کوردکی ؟
فرنکستانه می ؟

- خیر جانم ! طوبخانه به ؟

- کتدم اما برکون کیدوب کوره جکم .

- کیت . کیت ده کور . کورده سنده شاش بنده شاهه یم .

محله قهوه سنده

- محمد اغا نه دیرسک ؟

- نه اولدی ؟

- نه اوله جق . دنیا اینجه لدی . دها باقم نلر چیقاره جقلم .

بروجه آتی روز بروز خلاصه ایدیلهرک بعدما هر نسخه مزه درج
اولته جقدر .

(موازنه بولتیقه)

۱۸۷۰ سنه سی مایسنک برندن بئشه قدر .

۱ بازار - بویوم مسعودده هر برک اسایشی برکال - موسیو
قومباری طرفندن برکون اول خبر و بریلان شدتلی یغمور برینه
غایت کوزل هوا - فرانسه ایمپراطورینک جائنه سوء قصد ایتک
اوزره لوندرده تشکل ایدن برجعیته خفیه نك پارسده میدانده
چیقارلسی .

۲ بازار ایرتسی - بکرشده و کلا قایتوسنک تجدد و تبدیلی
- فرانسه ایمپراطورینک جائنه سوء قصد ایچون تشکل ایدن
جمعیتک پارسده ۲۱ عدد خبره سی اله کچورلدیکی - مارسلیا
ولیون و قروزو شهرلنده برطاقم اهل فسادک پولیس طرفندن
دردست و توقیف ایدلسی - موسیو فلورانسک جمعیت خفیه ده
مدخلی اولدیغنی سویلمسی اوزرینه لوندربه فراری -
« مورنغ پوست » غزته سنک فلورانس حقنده سوء ظن اولدیغنی
ادما و لوندرنک هر بار بومثالو فرار یلره ملجاء اولسی لزومنی درمیان
ایلسی .

۳ صالی - لا ترکی غزته سنک وقت و حالک حقوقی قوت و غلبه به
وصلح و اسایشی حرب و اختلاله تحویل و تبدیله مستعد اولدیغنی
نخسین ایلسی - لوانت تایمسنک یونانستان علیهنده شدت
لسانی و یونان حکومتک الغاسی لزومنی درمیان ایلسی .

۴ چهارشنبه - رومجه دیوژنک ظهوری - شهر پوسته سنک
یقینه ایشلمکه باشلايه جفتک صباحدن یازلمش برمکتوبک اخشام
اوستی جوابی الله جق صورتده انتظام اداره سته دقت اولته جفتک
پوسته اداره بهیه سی جانندن اعلان ایدلسی .

۵ پنجشنبه - یونان قرالینک یوم مخصوصی اولق مناسبتیله
بک اوغلنده ککائن روم کلیساسنده آیین و رسم دما اجرا
اولدیغنی و یونان سفیری موسیور انغابه نك کلیساده حاضر بولندیغنی
- فرانسه ایمپراطورینه سوء قصد ایچون تشکل ایدن جمعیت
خفیه ده موسیو فلورانسک مدخلی اولدیغنی مؤید برطاقم آثار
ودلائل ظهوری - « مورنغ پوست » غزته سنده « ماراطون »
اشقیاسی وقعه سنده یونان حکومتک مدخل و اشترای اولدیغنه
اینانه جق قدر دنیاده صافدرونلر بولندیغنه تعجب ایتسی - یونان
رئیس و کلاسنک انکلتزه ایلیچسی موسیو « ارسکن » طرفندن
درمیان اولنان « اشقیانک یوز بولسی دولجه اولان تداییردن
نشأت ایلشدر » سوزینک کندی طرفندن صدور ووقوعی
ادعاسنی تکذیب ایلسی .

اختراعاتی که یکی در لو منفعت

ضعف بصری اولتر کوزک ایجاد ایتشلر • بونکله
هم کندیلری کورر همده حسد ایتدکری قوه بصر
صاحبزینک کوزلرینی سقط ایدرلر •

فقرانک اشتراک امواله میلی زکینک فقرایه باقی اصولی اختراع
ایللرینه سبب اولمشدر که بونکله هم آبناهی جنسنه اعانه ایتک
فضیلتیه متصف وهمده ثروت وسامانلرینه سربازجه متصرف
اولورلر •

انسان شیطانی اختراع ایتشلر • چونکه انکله هم حظوظاته
دائر اولان ارزوسنی ترویج ایدر همده استیفای خطدن صکر
تبرئه ذمت ایچون معذرت کوستر •

استانبول غزته جیلری غزته چیقارمشلر • بونکله اهالی و ملکته
خدمت ایدورلر کی کورینه رک کندیلری مستفید اولورلر •

نوع بنی ادم دشمنلری انسانلری ملیته تقسیم وتفریق ایله محاربه بی
ایجاد ایتشلر • بویله لکله هم حکومت قولای اولیوز همده
ملتلر جابوق انقراض بولپور •

قاریلر عشق وعلاقه بی اختراع ایتشلر که هم کندیلرینی اکلندیرلر
همده ارکی مسخره برحاله قور •

استانبولک معمارلری شه نشینلری ایجاد ایتشلر • بونکله هم
یابدقلم بنارک بیچمسز لکنی اورترلر همده بوملاکت اهالیسنک
هیچ برشته بکره میان حویپا و اویناق مزاجلرینه خدمت ایدرلر •

الری چرکین ادملرالدیون کیمکی ایجاد ایتشلر بونکله هم کندی
الرنک چرکینلکلرینی اورترلر همده کوزل الری خلقک نظرندن
ستر ایدرلر •

ممنوعات

انسانک کندوسنی بکنامسی •

فرانسزلرک عقللمسی •

اصل عثمانلونک تحویل افکار ایتیمی •

شرکت خیریه واپور قهوه جیلرینک انصافی •

تیور کو پرنک اتمامی •

زحم سهامک التیامی •

دیوژنک ایکی آیده بر آخرته صله ایتنامسی •

ترکستان غزته لرینک مدت مدیده دوامی •

سودجی کوکلرینک قلابلمسی •

— صاغ قالورسهق ان شالله دهاک چوق شیلر کوزه جکر آ •

لکن چیقان شی ندر ؟

— مؤذنلر ارتق ساعیت طاشیمه جقلمش •

— اویله شی اولورمی ؟ اذان وقتنی فصل ییله جکر ؟

— خبره ایله •

— فصل خبره ؟

— جانم شمدی یکی چیقمه بر سنپور خبره وارمش • اذان

وقتلی پاتلیورمش • ایتشدکی ؟

— ها اوت • لکن بش وقتیده پاتلامبور بالکز اویله اذاند

آتلیورمش •

— عجب اوتنه کی نماز وقتلرینی بیلیورمی ؟

— نه یلسون • مسلمانمی بو ؟

— ان شالله اسلام میسر اولور •

— ان شالله ! مادامکه حق دینه خدمت ایدور •

ایکی بکتاشی بیننده

— اذان وقتنی خلقه ایتدیرمک ایچون طوب آتمغه قالمشملر •

نه دیرسک ؟

— نه دیهم ؟ الله دیرم !

— لکن بعض کون آتلیورمش • عجب باروت زیان اولسون

دیه می ؟

— واقعا اویله ! مصرف ایده جک سننه ز دکل • باقلسه بالکز

بیرام نمازلرنده آتلیدر •

برورقه

مر حبا دیوژن • اولا خوش کلدک • صفا کلدک • کیفک

ایومی ؟ ثابا کدینک ایاغی قاچ ؟ جواب ویر •

برتحف ورقه که ! بوکانه جواب ویریلور ؟ مر حبا سنه

مر حبا • « خوش کلدک صفا کلدک » خطابنه خوش بولدق •

صفا بولدق • « کیفک ایومی ؟ » سؤالنه ده ذوات کرام

کروهندن ایسه « الله عمرل ویرسون افتدم ! » دکل ایسه

« ابوالله • سن نصلسک باقم ؟ » • لکن الت یاننده « ثابا »

قیدیه ایراد ایتدیکی سؤاله نه دیهم ؟ بوکا صراقه نک چیقجه سی

دینر نه دینور ؟ حتی ده واریا • معهود عدد مشؤمک حکمی

بالکر ترکیه نسخهم حقنه جاری دکل • فرانسزجه مک ده

نعتیلی ۴۴ نومروده ورمضانک یکرمی دردنده ایدی • بناء علیه

اجله یوم هبت کی « قویروغیله برابر بش » جوابنی ویره جک

قدر ۴ رفتدن کوزم قورقه سه حقم یوقی ؟

تیور یول پیاقتوسندن برنجی نومرونک قومپانییه چیقامسی
زوجهنک زوجی الداتمامسی .
خواردنلق ایتماش آدمک زوجهنک محلوب و محکوم اولماسی .
استانبول زندوستلرنک تجدد اقبالی .
ساعتچیلرک یاپدیغی ایش بیلنوبده اکا کوره اجرت ویرلسی .

قیافنامه

ویا خود مطالعات حکیمه

متأهل آدملرک اکثری (سدییه) طاشیان حاللره بکزر . یولده
کیدرکن کلوب کچنلری سیرایتمک نه آرزولری ونه ده وقتلری
واردر . اره صره طورملری ایسه مجرد تنفس و استراحت
ایچوندر .

قوجهلی قاریلرک اکثری قوجدییه وارمغی سدییه بتمک تشبیه
ایدرلر . کندیلرینی سورویه جک بری اللرنده ایکن راحت
کتمک ایچون بردانه ده ارازلر .

آدی یمان !

دنباده هر جانلی مخلوقک بر برونسله ایکی قولاغی اولدیغی کی
حالی بیان ایتک استدیگمز بر حیوانکده واردر . امان نصل
حیوان دیرسه کز ادبی سویلمکدن قورقارز . چونکه غالباً
اخترده قنچانچیلر انی قولانغنه باشلامش . براز صبر ایدیکزده
دوشونه دوشونه سزه تعریف ایدیم . وجودی اوفقدرد .
قولاغیلر برابر قویروغیده اولدیغندن قویروق قولاق حسابنه
داخل اوله ییلور . پانوس اوغلی قولاقلر بی اوینادیغی کی بوده
دائماً بورنی اوینادر . رنکی بعض قولاقده اولان توپلر کی
قرچلدر . صوقلغان برشی اولدیغندن و بورنی قوقودن
وقولاغی کورلیدن احتراز ایتدیگندن حلالده دیوار ایچلرنده
صو خزینه لرنده چوق بولور . هانی پارس محاصره سنده
قنغیسی اله کچدیسه یدیلر . ییلیمورمیسک ؟ آ کوزم هانی بزاندن
قورقدیمز کی اوده کدیدن قورقار . آی ! به افندم اکلایه مدکی .
شوجانم (پرده سی لشکر تاتار کی بی پایان) ییتنک
مصرع اولنده مذکور اولان حیوان یوقی ؟ ایشته او .
براوده نکتر ایدرایسه بزمنکی کی فقط سرلی برکوب الملی ایش
ایچنه براز بغدادی آتملی ایش . اومبارکلرک جله سی بغدادک
باشنه اوشوشوب فقط کویک سرلی اولمسی جهتیله چیقامدقلرندن
پارسک محصورلرینه تقلیداً بر برینی بتمک باشلارلرمش . نهایت
اک قوتلیسی قنغیسی ایسه جله سندن صکره یه قالور فقط
ایشای جنسنی بتمک البشورمش . ایشته بر آدم اوله بریسنی اله

کچیرده بوغازینه برچنقراق طاقه رق خانه سنک برکوشه سینه
صالیو برسه (طاغنه طاشه اوزرمزدن اراق اخرج) او حیوانلرک
جله سنی طرد ایدرمش . کیفیت خلقه نافع مواددن اولمغه
سائر غرتلرمزدن امور خیریه یه خدمتده کیرو قالماق ایچون
مجانا اعلانه ابتدار اولندی .

فن مشی و حرکت

یچا فرقنه وار یورلری ؟ یوقسه یالکر . بنی تجربه ایتدم ؟
بوملکتنک سوقاقلرنده یوریک دکرده یوزمکدن قات قات مشکل .
ژیمناستیک تعلیمی آوجی تعلیمی کی شیلر یورانک سوقاقلرنده
کریمک فنی تحصیل ایتنک یابنده هیچ حکمز . بوجهته یکی اباق
برچوجق کونده بیک کره نصل دوشرسه بزم سوقاقلرنده کز نلرده
فن مشی و حرکتی تحصیل ایدنجیه قدر لا اقل ایده بکرمی
درت کره دوشر . وانجق یوقنده مهارتی اوتوز اوتوز بش سنده
تحصیل ایده ییلور . نه فاندیسی وار که « اوخ ! ارتق یوریمک فنی
او کرندم بوندن صکره جهان قیدمده دکل » دیمک وقت قالمدن
آدجکر نالری آتار .

اوله ایسه وار آخرتده باباکه سلام سویله !

چیدییه کائن بالقلی دیمکله مشهور اجزاخانه ده غایت اعلایه خزینه
مشمی بولندیغی اعلان اولور .

دیوژن بر اوشاخه محتاج اولدیغندن سوزا کلار والی ایاغنه
اویغون اولوبده قبولتمق استیان واریسه اداره خانه یه مراجعت
ایلسنی اعلان ایدر .

ویره جکی معاشک مقداری جزو یدر اما کندوسیه برابر هر اون
هفته ده برصله جی ایده جکنه سوز ویرر .

ایکی دفعه در شهر پوسته سنک اقسرای مرکزی واسطه سیله
دیوژنه ورقه کوندن ذات هرکیم ایسه کندوسیه کورشمکی
ارزو ایتدیگمز لطفاً دیوژن اداره خانه سینه رغبت پیورمسنی
تمی ایدرز .

خرینه دار زاده محله سنده شی چیقماز سوقاغلنده کوشلی دکرمن
اتصالنده کائن تربیعایک اوجیوز یتش ایکی یچق ذراع عرصه
درونده متعدد قبولرله ایکی عدد جسم صوخرینه سی و مخزن
بولندیغی حالده بهر زراعی یارمشر عثمانلی التوننه فروخت
اولنه جفغندن طالس اولنلرک محله مذکوره امامی باقری زاده
اسماعیل زهدی افندییه مراجعت ایلملی اعلان اولور .